



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

**Gavanti, Bartolommeo**

**Antverpiæ, 1646**

De Lectionibus. XII.

**urn:nbn:de:hbz:466:1-40233**

humilitatis gratia; & Sacerdos, vt tantæ humilitati vicem reddat, poscit à Deo, vt benedictio prærogetur, Petrus Damiani de *Dominus vob. cap. 2.* Petit etiam benedictionem, vt mittatur. *Quomodo prædicabunt, nisi mittantur? Roman. 10.* Ruper. lib. 1. cap. 12. de *Diu. Offic.* Petit licentiam eundi; & benedictio est licentia, Gemma lib. 1. cap. 5. Vide, addit Hugo in *Spec. cap. 3.* quād larga potestas benedicendi tradita sit illi, cui iubere dictum est: *Iube Domine benedicere.* lecturis enim dicit Vicario Christi: quod principatum Ecclesiae innuit. Sacerdos autem orat, vt Dominus benedict, qui totius est fons benedictionis.

4 Lectio dicit *Domne, non Domine;* quia hic Dei titulus est, ille hominis præclarus, vt docet Baron. ex *Eudio anno 416.* sed tempore S. Hieronymi omnes sancti & homines alij vocabantur Domni, solus autem Deus Dominus. Papa ipse hodie appellatur *Domnus Apostolicus in Litanij Sanctorum.* Sed & ad ultimam Lectionem, quam Superior legit, debet h̄c dicere, quicumque ille sit, Episcopo inferior, *Iube Domne, non Domine;* cui secundus in Choro responderet debet benedictionis congrua verba; quidquid alij proprio marte scriperint, & nulla fusi auctoritate, non enim quilibet in Choro Superior æquandus est Episcopo. Notarunt aliqui, quod ille, qui solus Officium recitat, dicere deber, *Iube Domine:* sicuti dicit Sacerdos hoc idem in Missa priuata ante Euangeliū. & verè par est ratio, usus tamen non idem.

5 Benedictiones sunt in numero ternario, & in nomine distincto personarum sanctissimæ Trinitatis, & rectissimè, vt patet. Benedictio illa, *Domi-*

*num auxilium,* dicitur etiam in Festis Trinitatis, Transfigurationis, Festis S. Crucis, & Dedicationis Ecclesie.

6 Absolutiones distribuuntur per Ferias quadam proportione, vt primus dies ferialis gaudeat prima, secundus secunda, tertius tercia Absolutione; & rursus quartus dies prima, quintus secunda, Sabbatum tercia. Cum Absolutionibus autem concordant Benedictiones, nisi Lectiones sint de Homilia, vel de Sancto, in Officio trium Lectionum. conuenit enim, vt magis in ijs casibus respondeant Lectionibus quād Absolutionibus. Sumuntur igitur in his casibus Benedictiones à tertio Nocturno; similiaque indicat Radulph. *Prop. 15.*

### De Lectionibus. CAP. XII.

1 **P**Atet vocabulum *Lectionum*, eo quia leguntur, & non cantantur, vt *Psalmi*, *Dur. lib. 5. c. 2.* Usus earum originem dicit à lectione quæ siebat in scholis Patrum, *Act. 13.* & *15.* vt notat Amal. *lib. 4. cap. 9.* deducit ab *Hebrais* Isid. *lib. 1. de Offic. cap. 10.* qui certis diebus legebant de Lege & Prophetis in *Synagogis*; & legit Christus *Lnc. 4.*

2 S. August. *initio Exposit. ad 1. Epist. Ioan.* significat, tunc solitas legi certas Lectiones in Ecclesia ita determinatas, vt aliæ esse nequirent. Hieronymus ( Damasi iussu creditur ) composuit *Lectionarium*, teste Bernone de *Quibusdam ad Miss. spect. cap. 1.*

3 In Concilio Laodicensi *can. 17.* citato à *Suar. lib. 4. de Hor. Canon. c. 2. num. 16.* decreta fuit Lection post *Psalmos*, vel longa in *Matutino*, vel brevis in alijs Horis. Capitula enim sunt Lectiones breves, vt infra dicemus.

4 Nu-

**4** Numerus verò Lectionum nec fuit maior nouem , nec minor tribus Lectionibus , Amal. lib. 4. cap. 9. vt per nouem coniungantur conuersatio ni nouem ordinum Angelorum ; vel vt tria prædicationis tempora designarentur , ante legem , sub lege , tempus gratiæ , idem cap. 11. Addit Ruper. lib. 1. cap. 13. pluralitatem Lectionum ad diuersos Nocturnos , seu Vigilias , indicare , quod nostrum est parare corda ad aperiendum Deo , quacumque hora pulsauerit verbo suo ; plures que Prædicatores esse , ut excusationi non sit locus. Cùm autem Psalmi , ut sèpè diximus , opera bona signifi cant ; nouem Psalmi & nouem Lectiones docent , æqualia in nobis esse debere , verbum & opus . In Profestis autem paucitas Lectionum innuit tempus antiquæ legis ( nos enim Festa agimus , si comparemur cum antiquis Hebreis ) in quo pauci Prædicatores erant . Hæc Rupertus .

**5** Ex utroque Testamento desumi Lectiones Officij diuini , scribit Radulph. Propos. 11. à priscis usque temporibus ; & apud Romanos in primo Nocturno legi de veteri Testamento ; in secundo Nocturno Sermones ; in tertio Homiliae ; & per Hebdomadam continuari sacra Biblia . ibidem tamen non excludit à primo Nocturno Lectiones aliquando de novo Testamento : quod & hodie seruamus , ut in Rubricis patet .

**6** Verum , quo ordine distribuuntur Lectiones primi Nocturni per annum ? Triplex est ordo sacrorum Librorum ; primum voco Conciliarem , alterum Historicum , tertium Ecclesiasticum . Conciliaris est ille ordo , qui habetur in sacris Biblijs sanctius à Concilio Tridentino Sess. 4. Isid. c. 12.

numerat septuaginta duos libros sacrorum Bibliorum : qui numerus non caret mysterio .

**7** Historicus est , quem , ad pleniorum sacrorum Bibliorum & huius capitatis notitiam , compendio excerpti , & hoc loco descripsi , ex Annalium sacrorum duobus Tomis quater impressis Augustini Tornielli , Ordinis nostri , iuxta seriem temporum quo quisque liber scriptus fuit , vel potuisse scribi . Auctores dabo Sect. 6. quos hic desideras .

Nam Genesis continet Acta ab ortu Mundi usque ad annum eiusdem 2400.

Iob Historia contigit anno proximo 2399.

Exodus ab anno 2438. usque ad annum 2545.

Leuiticus pertinet ad annum 2545.

Numeri liber peruenit ad annum 2583.

Deuteronomium ad eundem spectat annum .

Iosue usque ad annum 2593.

Iudicum ab anno 2594. ad annum 2899.

Inter haec Ruth , circa annum 2748.

Regum primus à 2900. ad annum 2979.

Psalterium à 2964. exorditur .

Regum secundus ad annum 3017.

Regum tertius ad annum 3138.

Canticum canticorum circa annum 3021.

Proverbia , Ecclesiastes , circa haec tempora .

Sapientia est Salomonis , seu à Philone excerpta .

Regum quartus ad annum 3472.

Duo Patalipomenon concurrunt cum libris Regum .

Inter haec Prophetæ vixerunt hoc

L 2 ordine

84 Comm. in Rubr. Breuiarij. Sect. V. Cap. XII.

ordine usque ad predictum annum  
3472.  
Ionas enim circa annum 3227.  
Oseas, Ioel, Amos, Abdias circa an-  
num 3238.  
Isaias ab anno 3253. ad annum 3338.  
Michæas circa annum 3286.  
Nahum circa annum 3321.  
Tobias illuminatur anno 3329.  
Habacuc circa annum 3351.  
Ieremias ab anno 3407. quo cum So-  
phonias.  
Sed Ieremias compleuit annum 3448.  
Baruch an. 3451.  
Daniel ab anno 3438. usque ad an-  
num 3519.  
Ezechiel ab anno 3440. usque ad an-  
num 3462.  
Hi intra annos quarti Regum, exce-  
pto Daniele.  
Esdras circa annum 3517. usque ad  
annum 3596.  
Aggæus, Zacharias, Malachias, anno  
3533.  
Iudith anno 3572.  
Neemias à 3609, ad 3629.  
Esther, 3652.  
Ecclesiasticus circa 3798. quo anno  
flouere lxx. Interpretes.  
Machabæorum duo à 3868. usque  
ad annum 3919.  
Nato Christo anno mundi 4050. vt  
fusè probat Torniellus, qui vltra  
Christum passum non scribit; pro-  
sequor cum Baronio ordinem hi-  
storicum librorum noui Testa-  
menti.  
Matthæus igitur scripsit Euangelium  
anno Christi 41.  
Petrus Epistolam primam anno 45.  
Marcus Euangelium eodem anno.  
Paulus ad Thessalonicenses primam  
anno 52.  
ad eisdem alteram, anno 53.

ad Corinthios primam, &c. i. ad  
Timoth. anno 57.  
ad Titum, 58.  
Lucas Euangelium, anno 58.  
Paulus ad Corinthios alteram, ad Ga-  
latas, ad Romanos, anno 58.  
ad Timoth. alteram, ad Ephesios,  
anno 59.  
ad Philippenses, Colossenses, Phi-  
lemonem, Hebraeos, anno 60.  
Acta Apostolorum à Luca completa  
sunt anno 61.  
Iacobus Epistolam scripsit ante an-  
num 63.  
Petrus Epistolam secundam anno 68.  
Iudas Epistolam anno 68.  
Apocalypsis anno 97.  
Euangelium Ioannis, cum tribus Epi-  
stolis, anno 99.  
8 Tertius est ordo, qui Ecclesiasti-  
cus dici potest, quia non est omnium  
librorum sacrae Scripturæ, sed tantum  
ad usum Breuiarij à Gelasio Papa de-  
cretus 15. *Dif. cap. Sancta Romana.*  
Est autem qui sequitur ordo.

In Aduentu legitur Isaias; quia, in-  
quit Amalar. *de Ord. Antiph. cap. 76.*  
nemo Propheta apertius locutus est de  
Natiuitate Christi.

Ab Epiphania (imò à Natali Domini) ad Septuagesimam leguntur Epis-  
tolæ S. Pauli; quia, inquit Ruper. *lib. 10.*  
*cap. vlt.* dum repræsentatur Christus  
in mundo, noui Testamenti præcones  
audiri debent ante Quadragesimam.

A Septuagesima ad Dominicam de  
Passione, Genesis & Exodus; quia Pa-  
ssionem Domini celebraturi recurrere  
debemus ad Adæ peccatum, pro quo  
passus est: & dum legitur de Patriar-  
chis, Abraham, Isaac & Iacob, qua-  
si de diuersis ætatibus ad Christum  
Chorus Patrum deducimus, Ruper.  
*lib. 4. cap. 5.*

In

In Passione Ieremias legitur, qui multa narrat de eadem, Amalar. *loco citato cap. 76.*

Post Pascha Actus Apostolorum, Apocalypsis, & Epistolæ Apostolorum; quia virtute magna reddebat Apostoli testimonium resurrectionis Christi, Rupert. lib. 10. cap. ultimo. De Actibus indicat August. in Serm. quodam citato à Demochare Tom. 4. c. 12.

Post Pentecosten usque ad mensem Augustum libri Regum ponuntur, ut resumatur ordo Historicus à Genesi ad libros Regum, Amalar. de Ord. Antiph. cap. 72.

Mense Augusto leguntur Sapientiales libri; quia post libros Regum, æquum est ut Rex Salomon audiatur, feruenteque sole eo mense ferueat & Sapientia, Amalar. *loco citato.* sunt autem Proverbia, Ecclesiastes, Canticum canticorum, Sapientia, Ecclesiasticus.

Mense Septembri Job, Tobias, Iudith, Esther: quamquam Gelasius pro Iudith Esdras ponit, sed Ordo Romanus habet Judith, ut imitemur eo tempore patientiam Jobi & Tobiae, inquit Amalar. cap. 73.

Mense Octobri Machabæorum libri leguntur. Amal. non addit causam quam alij reddunt, & mox enarrabimus.

Mense Nouembri leguntur Ezechielis, Danielis & duodecim Prophetarum libri; quia sæpè loquuntur de Aduento Messiae, quem celebramus in proximo Decembri, idem Amalar. cap. 76.

9 Rupertus à Pentecoste ad Adventum enarrans ait lib. 12. cap. 24 in lectione librorum Regum significari tempus Martyrum, bellorum & persecutionum Ecclesiæ post aduentum

Spiritus sancti; in libris Sapientialibus SS. Doctorum insinuari tempus. Cum legimus de sancto Job, pax Ecclesiæ representatur non absque temptationibus. Vel mense Septembri, in Job iustitiam discere possumus, in Tobia prudentiam, in Iudith fortitudinem, in Esther temperantiam. Dixi, in Job iustitiam, ut loquar ad usum nostrum: nam Rupertus pro Job habet Esdras, cuius libri tunc legebantur. Prosequitur capite vigesimoquinto, & docet, libros Machabæorum deinde legi, ut meminerimus, inter virtutum profectus vitiorum bella non desse: libros denique Prophetarum excitare nos ad spem & metum, usquequid redeat Christus in Aduento secundo. Hæc ille.

10 Durandus in Rat. lib. 6. cap. 114. has causas reddit. In Septuagesima legimus causam humani generis: in Quadragesima representamus sub Pharaone seruitutem; in Paschate exitum de Ægypto; per quadraginta dies Paschales, quadraginta annos in deserto; per Rogationes ingressum in Terram promissam; per septem dies Pentecostes diuisionem donorum Dei, & Terræ promissæ. Sub Regibus deinde fuerunt; & ideo libri Regum leguntur post Pentecosten. & cap. 129. addit: Præcedunt quidem libri exemplares, sequuntur doctrinales, redeunt alij exemplares, tum alij demum doctrinales; quia plus mouent facta quam verba, & hac vicissitudine ad perfectionem virtutis peruenit. Libris igitur Regum ad exemplum lectis, legimus Augusto mense doctrinales Salomonis libros; tum Septembri exempla Job, Tobiae, feminarum; & Milites ad virtutem mense Octobri nos incitant & impellunt: Nouembri

L 3 doctrinæ

doctrinales alij Prophetarum succedunt. Hæc ille fusissimè.

11 Initia Librorum sacerorum regulariter leguntur in Dominicis: quod si Festo aliquo impedianter, æquum est, ut ab initio libri in sequenti die non impedito auspicetur Lectio, in Rubr. num. 6.

12 Ex prædictis libris aliquid quotannis vel in proprio die, vel in sequenti, vel in præcedenti est legendum, in Rubric. num. 7. etiam si plura Prophetarum initia vno die sint legenda; hac adhibita lege, ut non extra propriam eorum Hebdomadam legantur, neque duo initia sub vna conclusione, *Tn autem*, &c. neque in præcedenti Feria, si in sequenti datur locus ea legendi, ut indicant verba Rubricæ. Quod si alicubi impedianter Feriæ Festis locorum proprijs, An in his initia legantur, omissis alijs Lectionibus primi Nocturni aliunde sumendis? dicemus infra opportuniiori loco. *Sectio 6. cap. 21. num. 13.* Excipe sequentes causas. Primus est in Epistolis S. Pauli: eæ enim omnes simul constituant vnum librum, quem sufficit incepisse: & adueniente Septuagesima finis imponitur lectioni Paulinæ, licet tantum de Epistola ad Romanos seu Corinthios sit lectum. Alter casus est in libris Regum, adueniente Augusto. sufficit enim, quod de ijs lectus sit primus vel secundus liber.

13 Vbi vero contingit minui numerum Dominicarum post Epiphaniam, adueniente citius Dominicæ Septuagesimæ, & idè in Feria tertia, vel alia die proxima fit de Officio Dominicæ tertiae vel sequentium anticipatè; statim ac factum est Officium Dominicæ, in sequentibus diebus legi debent Epistolæ S. Pauli, quæ positæ

sunt in Dominica anticipata; quod in postrema recognitione decretum est, & adnotauimus in Tabulis nostris 8. 9. 10. 16. 17. & 22.

14 Quando de Scriptura per annum distributa non potest legi in Festo nouem Lectionum in primo nocturno; quia eo die non habetur in Breuiario, puta, quia sunt Quatuor Tempora, Feriæ Quadragesimæ, &c. vt in Rubrica num. 9. eo casu sumuntur Lectiones primi nocturni de Communi, quæ alioquin ad maiorem solemnitatem solent assignari: tunc enim ad necessitatem leguntur. quod intelligi debet non tantum in Festis occurrentibus, seu in die Octaua Festi habentis Octauam, in dictis Ferijs maioribus; sed etiam in diebus infra Octauas, de quibus Rubrica nona loquitur: eadem enim est ratio defectus. Si tamen in Festo habente Octauam lectæ fuissent in primo nocturno aliae Lectiones, non de Communi Sanctorum; eo casu repetendæ erunt eadem in eius die Octaua, ut aperte dicitur in Rubr. de Lectionibus num. 9.

15 Accidit etiam, assignari in Breuiario quibusdam Festis plurium Apostolorum Lectiones proptias in primo nocturno, quæ sunt propriæ alterius illorum; & eo casu, si dividatur Festum, quia alter eorum tantum est Titulus Ecclesiæ, iuxta ea quæ diximus supra Sect. 3. cap. 10. n. 11. pag. 37. alteri debentur Lectiones propriæ, alteri de Communi, quæ habentur in primo nocturno. Quæ item legi debent, quando aliquod Festum in propria Ecclesia solemniter celebratur, ex Rubrica citata num. 9. hoc est in Festo Patroni loci, Tituli, seu Dedicationis Ecclesiæ, & in Festis secundæ classis, ob maiorem solemnitatem; quod etiam fit

fit in Breuiario; imò verò etiam in Festis Patronorum minus principalium, more Duplicium majorum, quæ habentur in Breuiario, nisi ob angustiam temporis ponendum sit initium Prophetæ, quod in his Festis poni decretum est in postrema recognitione Breuiarij.

16 Pro secundo Nocturno Gelasius decernit loco citato, hæc Opuscula posse legi in Officio diuino, nimirum SS. Cypriani, Ioannis Chrysostomi, Hilarij, Ambrosij, Augustini, Hieronymi, Isidori, & Leonis Papæ: item Opuscula Orthodoxorum Patrum, qui à sancta Romana Ecclesia non defuerunt: præterea Vitas Patrum, Antonij & aliorum à sancto Hieronymo scriptas. De Bedæ Operibus nondum legebatur tempore Radulphi, vt ipse scribit *Propos. 11.* Primæ Historiæ de Sanctis in Officio diuino habuerunt auctores Paulum Diaconum iussu Caroli Magni, ex auctore *Ligni vite lib. 5.* & Isuardum, seu Vsuardum Monachum, qui degebat in humanis circa annum 800. ex Polydor. Virgil. *lib. 6. cap. 2.* Quas nunc habemus secundas Lectiones ex Historijs Sanctorum, cæ fuerunt à Cardinalibus Bellarmino & Baronio recognitæ, & approbatæ sub Clemente VIII. qui reiecerunt ea omnia, quæ iure merito reuocari poterant in dubium. Qua in re perdifficili, visum est illis ad Historiæ veritatem bona fide restituere SS. Lectiones, idque minima qua fieri potuit mutatione: imò, quæ controuersa erant, alicuius tamen grauis Auctoris testimonio suffulta aliquam haberent probabilitatem, retenta sunt eo modo quo erant, cùm falsitatis argui non possint; quamvis fortasse altera sententia sit à pluribus recepta. Por-

rò in enumerandis Romanorum Pontificum annis, à Cardinali Baronio non discesserunt, qui omnium exactissimus in hac re habetur. In Ordinationibus eorumdem secuti sunt librum *Pontificale inscriptum*, quod nomine Damasi circumfertur; cùm aliunde nihil certi haberi queat. Textus item sanctorum Patrum collati sunt proximè cum auctorum libris, & M. S. & melioris notæ impressis; ita ut in hoc genere emendatius nihil edi posse videatur. Ex quibus laudare non possum eos qui ritu Romano recitant Officium, & ab Officio ritus alieni mutuò accipiunt Lectiones de vita Sanctorum non approbatas Romæ, contra Rubr. Breuiar. *de Dupl. num. 1. & de Lect. num. 9.* vbi approbatæ requiruntur Lectiones auctoritate Sedis Apostolicae. Vide *Sett. 3. cap. 12 nn. 14. pag. 47.* Secundas autem Lectiones & 3. Nocturni ex SS. Patribus presumptas recognouimus postremò, vt concordent cum emendationibus eorum textibus siue impressis siue M. S. Codicibus Vaticanis. In translationibus Græcorum Patrum si varietas contigit, Breuiarij Romani lectio ceteris paribus retenta fuit.

17 Pro tertio Nocturno Euangeliū cum sua Homilia legitur, ex Radulph. *Propos. 11.* & quadrat ad representandum tempus gratiæ & Evangelij post eos qui ante legem & sub lege fuerunt, Duran. *libro 5. cap. 2. ex Gemma lib. 1. cap. 14.* Homilia Græcè, sermonem & colloquium sonat Latinè.

18 Monent Rubricæ, quando in Officio nouem Lectionum facienda est commemoratio de Sancto, vel Fe- riæ, vel Dominicæ, quæ habet proprium Euangeliū, quod legi debet

pro

pro nona Lectione; monent, inquam, ut de primæ Homiliæ Lectionibus octaua & nona fiat vna, quæ sit octaua: quod quamuis sit ad libitum, ut ex verbis Rubricæ de Lectionibus nam. 3. tamen in quibusdam casibus deberet omnino nona legi adiuncta octauæ Lectioni; nimisrum, quando in nona Lectione continetur laus propria eorum de quibus agitur Festum. Verbi gratia, in Feste SS. septem Fratrum, cuius in nona Lectione laudatur mater ipsorum; & in Feste sanctorum Martyrum Nerei, Achillei, &c. quorum laudes propriæ habentur in nona Lectione, & in gratiam huiusc nonæ Lectionis datum est Euangelium integrum eorum Feste, alioqui non valde congruum, à Dominica vigesima post Pentecosten desumptum. De nona Lectione de Sancto satis docuimus suprà pag. 43. num. 33. 34. 35. & 37. Reliquæ huius tituli Rubricæ patent.

19 In modo legendi illud obserua, ut legas titulum Libri, seu Euangeli, seu Sermonis, seu Homiliæ, nisi alter notetur, ut in Natali Domini. In Vitis Sanctorum eo tantum casu legitur titulus, quando est auctoris classici; puta, cùm legimus, *De lib. S. Hieronymi de Scriptoribus Ecclesiasticis*, & huiusmodi. Quærerit autem Hugo Victorin. lib. 2. de Offic. cap. 3. cur in Lectionibus diurnis, id est Capitulis ad Horas, & quandoque in Nocturnis, non pronuntiatur auctor, in Missa vero semper pronuntiatur titulus, excepta maiore Hebdomada? Respondet, ad Missam conuenire quoque bubulos, qui nesciunt de auctore, nisi doceantur; ad Horas autem Clerici conueniunt, qui benè norunt auctores Lectionum. Vt iam sit vera responsio, & Clerus minimè ignoret.

20 In fine Lectionis dicitur, *Tu autem Domine miserere nobis, non Domne*, ut ante Lectionem; quia cum Deo loquitur Lector, & indicat, ne ipsum quidem officium prædicandi sine aliqui vel leuis culpæ puluere peragi posse, Rupert. lib. 1. de Diuin. Offic. cap. 13. Cui succinit Chortis dicens, *Deo gratias*: quod ad totam Lectionem refert Rupert. cap. 14. quia, inquit, agimus Deo gratias, quod panem doctrinæ nobis frangere sit dignatus. idemque idem respondet in fine omnium Capitulorum, quamvis non addatur, *Tu autem Domine*, &c. Omituntur hæc in triduo maioris Hebdomadae, & in Officio Defunctorum, de quibus suo loco dicemus.

21 Denique ad Lectiones sedetur, Amalar. lib. 3. cap. 11. & lib. 4. cap. 3. vel silendo statur, *ibidem*; ad maiorem attentionem utrumque, ut probat Iulius Nigrinus in Regulis commun. Societatis Iesu, Reg. 2. num. 59.

22 Interrogatus quandoque fui, quænam Lectiones legi possunt in Festis S. Abrahæ, & S. Iob, quæ alicubi celebrantur. An leges primas Lectiones haustas ex Genesi & ex Historia Iob, quæ videlicet habentur in Dominica Quinquagesimæ, & r. Dominica Septembrii? in secundo Nocturno quæ ibidem habentur in eorumdem commendationem, & laudem? in tertio Nocturno Euangelium, *Homo quidam nobilis*, cum Homilia sancti Ambrosij, in nostro Octauario Romano, seu in Feste sancti Ludouici Regis? Vel, in primo Nocturno Lectiones de Scriptura occurrente; in secundo Nocturno, quæ habentur in secundo Nocturno Dominicæ Quinquagesimæ, & Dominicæ r. Septembrii, sicuti pro Historia S. Agnetis legitur Sermo sancti

Eti Ambrosij in laudem eiusdem; in tertio ut suprà. Posterior hic modus mihi magis placeret, conformior alijs Sanctorum Festis. Quæ verò dicimus de SS. Abraham & Iob, valent etiam in Festis Sanctorum Isaiae, Ieremiæ, Danielis, Davidis & similium, vbi eorum Festa celebrantur, proprijs è Breuiario adhibitis eorum Lectionibus.

*De Responsorijs.*

C A P . X I I I .

**R**esponsorium post Lectiones appellatur Historia à Mi-crol. cap. 32. & Radulph. Propos. 12. qua voce Rubrica nostræ non carent, Rubr. de Dominicis numero 7. quia prosequitur Historiam sacrae Scripturae in præcedente Lectio-ne lectam, ait Turrecrem. ad Regul. sancti Benedicti Tract. 66. & secundum ordinem Historiæ ordinata sunt Responsoria, inquit Amalar. in Ordine Antiphon. cap. 37. & 39. Responsoriū autem à respondendo deducit Rupert. 1. de Offic. cap. 15. quia, inquit, respondent Lectionibus, tristia tristibus, lœta lœtis, succinente Choro. Vel quia à capite repetitur, Alcuin. cap. de Celebrat. Missa. Vel quia, uno canente, Chorus consonando respon-det: antè unus, nunc duo, vel plures, Choro respondentē, ait Isidor. 1. de Offic. cap. 8.

2 Itali primū inuentores fuerunt Responsiorum, Isidor. loco cit. S. Hilarius videtur meminisse ad Psal. 65. Inter diuinorum, ait, Sacramentorum Officia responsionem deuotæ confessionis accipiat.

3 Additum est Gloria Patri à mo-dernis Apostolicis, ex. Amalar. de Ord. Antiph. cap. 1. & dicebatur in-

tegrè cum v. *Sicut erat*; quod nunc non dicitur, neque dicebatur tempore Radulphi, vt ipse testatur Propos. 12. quod præcepisse Concilium Tolera-num IV. can. 15. certum est, ea lege, vt in lœtis tantum sequatur *Gloria Patri*; in tristioribus repetatur ini-tium Responsorij, quod obseruatur in Dominica de Passione, & sequenti-bus Ferijs.

4 Significat autem Responsorium, quod exoptat nos Ecclesia non tantum auditores verbi Dei in Lectione, sed etiam factores post Lectio-nem, Amalar. de Ord. Antiph. cap. 4. & nouem Responsoria nos coniungunt gaudijs nouem Ordinum Angelicorum, idem lib. 4. cap. 9. Item significat assensum auditorum, Hugo in Spec. cap. 7. est item spirituale Canticum ad suble-uandos animos inter legendum, Amalar. lib. 4. cap. 3. est etiam Gratiarum actio de beneficio collato intra illam horam, cui cum Nocturno seu Ho-ra Canonica correspondeat Responsoriū, Duran. lib. 4. cap. 19. Et quia laus Dei repeti debet, ideo repetitur Responsoriū, & in fine additur *Gloria Patri*; vt de omnibus donis ac datis laudemus Creatorem, Amalar. de Ord. Antiphon. cap. 1. Tertio potissimum Responsorio annexatur *Gloria Patri*; quia Trinitati omne tempus, præteritum, præsens, & futurum subi-citur, Radulph. Propos. 12.

5 Qui inchoat Responsorium, idem & Verbum recitat, ait Ordo Rom. ce-teri repetunt, vt id ipsum dicamus omnes, & non sint in nobis schisma-ta, Rupert. loco citato. Repetitio est im-perfetta, hoc est partis tantum Re-sponsorij; vt fateamur, opera nostra esse imperfecta, Duran. lib. 5. cap. 2. In aliquibus Festis est perfecta à ca-

M pite,